

京師各省會城道里記

地1800
89962



京師通志
會城道里記

江楚
書局

京師通各省會城道里記

京師居內地之東北。故自京師之各省會地者。其發軔皆西南行。自京師西南行。渡永定河。經良鄉。一百四十里至涿州。分爲三路。

以上爲京師至涿州之路。

其西南路。自涿州西南行。經定興。安肅。一百九十里至保定。直隸總督駐處也。自保定又西南行。經滿城縣南之陘陽驛。及望都。定州。新樂。藁城縣北之伏城驛。三百三十五里至正定。又分爲二路。

以上爲涿州至正定之路。

地

其西南路。自正定渡滹沱河。西偏南行。經獲鹿。井陘。二十里出故關。

故關又作固關。在井陘縣西南三十五里。井陘關在獲鹿縣西十里。陘山在井陘縣東北五十里。自獲鹿之西。入井陘關。經陘山下。至故關。爲井陘狹道。而故關爲最要。蓋西南口也。井陘南連太行。北接恆山。西南始於澤潞。東北盡於涿易。縣互千餘里。皆層崖疊巘。爲河北大山。世所稱山左山右。山前山後。均因此山而名也。

入山西境之柏井驛。又西行經平定。及盂縣南之芹泉驛。壽陽。及榆次北之鳴謙驛。三百二十里至太原。山西巡撫

駐處也。又自太原府傍汾水東岸西南行。經徐溝。祁縣。平遙。介休。靈石。霍州。趙城。洪洞。五百九十里至平陽。又傍汾水東岸南偏西行。經曲沃縣北之蒙城驛。曲沃縣西之侯馬驛。離汾水西南行。傍涑水北岸。經聞喜。及安邑西北之泓芝驛。臨晉東南之樊橋驛。四百四十里至蒲州。又轉南行。渡涑水。七十里抵風陵司。渡黃河。至潼關。入陝西境。潼關在陝西華陰縣東四十里。河南閩鄉縣西六十里。其地上躋高隅。俯視洪流。蓋自澠池以西。華陰以東。河山之險。透迤相屬。深林隘道。僅容一車。數百里閒。通稱爲函谷。又曰桃林之塞。實天險也。又按秦關在今靈寶

地

二

縣南十里。所謂函谷舊關也。漢關在今新安縣東二里。所謂函谷新關也。漢末始移關於華陰之東。唐天授中。又北移臨河。卽今潼關也。

轉而傍渭水南岸西偏南行。經華陰。華州。渭南。臨潼。二十里至西安。陝西巡撫駐處也。至此又分爲二路。

以上爲正定至西安之路。

其西南路自西安西行。渡渭水。北至咸陽。復西行。經興平。武功。扶風。岐山。鳳翔。寶雞。復渡渭水南。西南行。逾大散關。嶓冢。連終南。幹山也。

又經寶雞西南之東河驛。鳳縣東北之草涼驛。及鳳縣。轉

而東南行。經鳳縣東南之三岔驛。松林驛。逾嶺。

自大散分支。連巴山之支也。

南經留壩廳。

自寶雞至此。爲漢高新開之陳倉道。

及武關驛。褒城北之馬道驛。青橋驛。抵褒城。

自武關至褒城。爲褒斜道之南段。蓋均傍褒水西岸行也。按褒斜道。爲秦以前之古路。南口曰褒。在今褒城縣北十里。北口曰斜。在今郿縣西南三十里。其道南自褒城。傍褒水。上泝逾衙嶺。傍斜水北下。抵郿。漢高王漢中。燒絕所過棧道。卽此。及還定三秦。其南仍傍褒水行。自

地

三

武關驛以北。乃別開西路。從鳳縣北出。逾散關。以襲陳倉。而褒水上游及斜水之棧道遂廢。武帝時復治之。五代以後。斜谷道又廢。至今多以散關爲南北之衝矣。

又自褒城轉而西行。經沔縣東之黃沙驛。

自草涼驛始入棧道。至黃沙驛始出棧道。今謂之北棧。凡五百里。蓋自鳳縣至褒城。皆大山。緣坡嶺行。有缺處。以木續之。成道如橋然。所謂棧道也。其間喬木夾道。行者遇夜。或宿於巖穴間。至黃沙。路稍平。

又西行。經沔縣。及沔縣西之大安驛。西南渡沔。經甯羌北之柏林驛。甯羌西之黃墳驛。凡一千三百三十里。入四川。

境又西南行經廣元東北之神宣驛望雲驛逾朝天關經廣元昭化及劍州北之劍關又南抵劍州。

自沔縣至劍關即古之金牛道世傳五丁所開者今又謂之南棧朝天關在朝天嶺上嶺最高由嶺而西則自劍閣趨成都由嶺而南則自保甯趨潼川以達成都故守劍閣者尤宜扼朝天關也。

又西南行經劍州西南之武連驛梓潼縣州東北之魏城驛緜州羅江德陽漢州新都八百七十里至成都四川總督駐處也。

以上爲西安至成都之路。

地

四

其西北路自西安西行渡渭北至咸陽復西北行經醴泉乾州永壽邠州傍涇水南岸行經長武四百四十里入甘肅界抵涇州東之瓦雲驛又西北經涇州及鎮原南之白水驛平涼及華亭北之瓦亭驛逾六盤山。

山在固原州南三十里隆德縣東二十里曲折險峻盤旋有六山上有唐時所設六盤關故跡此山南連崆峒隴坂直抵渭水與終南對峙北接蕭關石城直抵大河與長城互互南北縣延千餘里爲古今關隴之限。

經隆德靜甯會甯東之青家驛會甯安定東之西鞏驛安定安定西北之秤鉤驛金縣東之清水驛金縣北之定遠

驛九百五十里至蘭州。陝甘總督駐處也。

以上爲西安至蘭州之路。

其在正定所分之南路。自正定南行。經樂城。趙州。柏鄉。內邱。二百八十里至順德。又南行。經沙河。及永年。西之臨洺。關。邯鄲。磁州。二百一十五里。入河南界。渡漳河。經安陽北之豐樂鎮。四十里至彰德。又南行。經湯陰。及湯陰南之宜溝驛。轉而西南行。經淇縣。一百八十里。渡衛河。至衛輝。自正定以南。皆傍太行東麓行。

以上爲正定至衛輝之路。

至此又分爲二路。其東南路。自衛輝東南行。經延津。封邱。

地

五

一百五十里至辛店南之柳園口。渡黃河。又南十里至開封。河南巡撫駐處也。

以上爲衛輝至開封之路。

其西南路。自衛輝西南行。經新鄉。獲嘉南之亢邨驛。一百五十里至姚邨南之滎澤口。渡黃河。又經滎澤。轉東南。經鄭州南。經新鄭北之郭店驛。一百四十里至新鄭。

以上爲衛輝至新鄭之路。

至此又分爲二路。其南路。自新鄭南偏東行。經許州。臨潁。渡潁水。又經鄆城。西平。南行。經遂平。確山。及信陽北之明港驛。五百四十五里至長臺關。渡淮。經信陽。一百四十里。

至平靖關入湖北界。

平靖關在信陽州南。應山縣北。均九十里。其地有大小石門。鑿山通道。極爲險要。卽春秋時之冥阨。呂覽淮南所言天下九塞之一也。按南齊書言義陽有三關之隘。謂平靖。黃峴。武陽也。義陽城與三關。勢如首尾。魏晉以後。三關之險。嘗爲南北重鎮。黃峴關一名百鴈關。卽左傳之直轅。元和郡縣志云。在平靖之東一百六十里。今信陽州東南。應山縣東北。有武勝關。卽黃峴也。武陽關一名禮山關。卽左傳之大隧。元和郡縣志言在百鴈之東一百里。今羅山縣西南。孝感縣東北。有九里關。卽武

地

六

陽也。蓋河南江北。榦山自終南冢嶺。熊耳天息。分支爲桐柏。延互於漢淮之間者。義陽之三關也。又東延互於江淮之間者。光黃之五關也。西自襄樊。東盡壽春。恃此長山爲南北之限。山北則臨淮爲險。淮南則倚山爲固。明此則知所守矣。

經應山。安陸。雲夢。孝感。三百六十里。渡漢。至蔡店司。轉東六十里。至漢陽。渡江。十里。至武昌。湖廣總督湖北巡撫同駐處也。自武昌南行。經江夏南之東湖驛。山坡司。至咸甯。轉西南行。經蒲圻東北之官塘驛。蒲圻。及蒲圻西南之港口司。三百九十里。至蔘坪鋪。入湖南界。西行。經臨湘東南

之長安驛。臨湘南之雲溪驛。至巴陵。轉南行。經巴陵南之青岡驛。渡微水。又東南行。經平江西北之大荆司。轉西南行。渡汨水。經湘陰東北之歸義驛。自巴陵以來。均傍洞庭東岸行。又西南行至湘陰。傍湘水東岸南行。經長沙北之橋頭驛。又南渡瀏水。凡五百二十里。至長沙。湖南巡撫駐處也。自長沙傍湘水東岸南偏西行。經湘潭縣東之南岸驛。又南至湘潭東南之下澗司。渡湘水南偏西行。經湘潭南之黃茅驛。及衡山衡陽。自下澗司以來。所行在湘水西岸。衡山東麓。又西行。經祁陽東北之排山司。又西南行。經祁陽。自衡陽以來。所行在湘水之北。衡山之南。自祁陽又渡湘南偏西行。經零陵。渡瀟水。西偏南行。凡七百四十里。至棗木堡。入廣西界。復渡湘。傍湘北岸西南行。經全州東北之三角司。全州西南之山棗司。又西南行至湘灘分流處。踰越城嶠。至興安。

地

七

越城嶠。一名臨源嶺。一名始安嶠。一名全義嶺。在興安縣東三里。其地爲湘灘二水分流處。湘灘源出靈川縣東南境之陽海山。東北流入興安縣南境。名陽海江。約行百里。至越城嶠。始分流。東北流者爲湘。西南洲者爲灘。水經注。灘水與湘水出陽海山而分源。湘灘之間。陸地廣百餘步。謂之始安嶠。亦曰越城嶠者是也。蓋江以

南榦山。自貴州入湖南城步縣境爲附子隘。又東入全州境爲金紫山。又東南爲銅鐵隘。荆竹隘。夫夷水發源處也。又卽全州與興安界山。轉南入興安境。爲越城嶠。爲陽海山。又東至平樂賀縣之北。道州江華之南。爲臨賀嶺。一曰萌渚嶺。又曰白芒嶺。湖南兩廣交界處也。越城臨賀。實爲五嶺之二。均偁扼要。越城嶠道。後漢建初八年鄭宏奏開。所謂零陵桂陽嶠道也。

又傍灘水西南行。經靈川。凡三百一十五里至臨桂。廣西巡撫駐處也。

以上爲新鄭至臨桂之路。

地

八

其在新鄭所分之西南路。自新鄭西南行。渡潁水。經禹州。南偏東行。經襄城。渡汝水。西南行。經葉縣。及葉縣南偏西之保安驛。踰方城山。至裕州。

方城山。在葉南四十里。跨裕州境。其山西北接魯陽七峰。東南連天目大胡。縣互於宛葉之間。幾數百里。亦曰長城山。葉在山北。爲方城外。所謂方城外之蔽也。宛在山南。爲方城內。楚境包南陽。所守在方城。故曰方城以爲城也。蓋河南江北榦山。自熊耳天息分支。東南迤爲淮南之山。而方城適居其中。故北與魯山之三鷗。南與義陽之三關。並爲南北扼要。

又西南行。經南陽東北之博望驛。至南陽。又南行。經南陽南之林水驛。新野。凡六百五十里。至新野南之通南鋪。入湖北界。經襄陽北之呂堰司。九十里。至樊城。渡漢水。至襄陽。又南行。經宜城。荆門北之麗陽司。石橋司。荆門州。荆門南之建陽司。凡四百九十里。至荊州。自襄陽以來。所行在漢水之西。巴巫之東。

此道之西。又有路由南漳南。逾八疊山。經遠安。當陽。以達荊州。卽司馬懿所開之柵中道也。八疊山一名柵山。西道險遠。東道平近。故行者多由東道。

自荊州南行。十五里。至沙市。渡江。西南行。經公安東北之

地

九

孱陵司。公安。凡一百六十五里。至關山塘。入湖南界。西南行。經澧州東北之順林驛。渡澹水。入澧州城。出城復南行。渡澧水。經澧州南之清化驛。武陵北之大龍驛。至武陵。轉傍沅水北岸西南行。經桃源。至桃源南之白馬渡。渡沅水。傍沅水南岸西南行。經桃源西南之鄭家驛。新店驛。沅陵東北之辰龍關。界亭驛。芙蓉關。馬底驛。至沅陵城南辰陽驛。

辰龍關。在沅陵縣東一百三十里。芙蓉關。在沅陵縣東八十里。辰龍高插天半。猿鳥莫踰。長里許。廣僅容雙馬。其西爲亂石關。馬鞍關。均陡峭千尺。峻巖萬仞。下臨深

澗不止數丈。隔岸峰巒對峙。盤紆深曲。蓋江以南。餘山自全州。城步。新甯。三州縣交界處之金紫山分支。東北迤於新甯。武岡。邵陽。新化。安化之西。城步。綏甯。黔陽。芷江。辰溪。溆浦。瀘溪。沅陵。桃源之東。爲資沅間大支。數百里。閒峻峭蟠鬱。逾嶺之道。無不險阻。辰龍。芙蓉。爲此支山。瀕沅之衝。故傳扼要。又此支山至益陽。武陵之閒。漸就平坦。故此道至桃源始入山。

又西南行。經瀘溪。東南之船溪驛。至辰溪。渡沅水北岸。西南行。經辰溪。南偏西之山塘驛。芷江。東北之懷化驛。榆樹灣。卽傍灑水北岸行。經羅舊驛。至芷江。又渡灑水南岸。西行。經便水驛。又渡灑水北岸。西行。經晃州。又渡灑水南岸。西南行。凡一千一百八十里。至晃州。西南之挂榜塘。入貴州界。又傍灑水西南行。經玉屏。清溪。鎮遠。施秉。黃平。

灑水發源州境

轉南行。逾沅灑間支山。至黃平。南之重安江驛。渡重安江。沅水北源也。其南源名馬尾河。

西南行。經清平。西行。經麻哈。北之楊老驛。麻哈。西北之馬場坪。平越。西南之黃絲驛。貴定。東之沙坪。谷濛關。玉杵關。至貴定。

玉杵關。一名打杵關。一名打鼠嶺。在貴縣東七里。谷濛

關一名谷忙關。在貴定縣東二十里。皆貴陽府東之隘道也。蓋江以南榦山。至都勻西南。龍里東南。馬尾河。清水江。發源之朵蓬山。分支東北。出平越。清平。黃平。施秉。鎮遠。清溪。思州。銅仁。松桃之西北。貴定。甕安。餘慶。石阡。思南。印江之東南。入湖北施南府境。爲烏江沅水間大支山。實湖南西徼之限。而谷濛玉杵。均爲逾此支山之隘道。故稱扼要。

自貴定西南行。渡清水江。經貴定西南之甕城驛。龍里西北行。經龍里西北之黎兒關。凡六百三十二里。至貴陽貴州。巡撫駐處也。自貴陽西南行。經清鎮。渡麻線河。經安平。普定。至普定西南之馬場鋪。逾白巖山嶺。至鎮甯東北之龍井鋪。出山至鎮甯。

地

十一

白巖山在鎮甯之北。山勢起伏。綿亙數百里。西北接浪伏山。伐木山。東南聯天臺山。白雲山。蓋大江以南榦山。自雲南大幕山東北。迤至北盤江發源之處。在威甯州西。入貴州境。又東出八仙海。以且海水城。普定。安平。廣順。清鎮。貴筑。龍里之南。普安。安南。永甯。鎮甯。歸化。定番之北。橫亙黔境之中。分其地爲嶺南嶺北。嶺南之水。均入盤江。東南流入南海者。嶺北之水。均入烏江。東北流入大江者。八仙海。烏江之源也。以且海。思臘河之源也。

白巖山當普定鎮甯之間。爲榦山延互處。實自嶺北過嶺南之要路也。

自鎮甯西南行。經關嶺驛。

卽關索嶺。在鎮甯西南五十里。嶺極高峻。周回百餘里。山頂有

聖祖仁皇帝御書黔南鎖鑰四字。蓋榦山自朗岱分支。南池及頂營司東南。縣互於壩陵河與盤江之中。以爲鎮甯永甯間之屏障。

永甯至永甯西南之盤江驛。渡盤江。

卽鐵鎖橋。

地

三

西行經安南。安南西之江西坡驛。普安。普安西之輦橋哨驛。普安廳。普安廳西南之亦資孔驛。凡五百六十七里。至永安塘。入雲南界。其處有坊題滇南勝境。設有哨兵。因名滇南勝境哨。至此山勢稍平。自滇南勝境哨西行。經平夷。南甯東北之白水驛。渡南盤江。經霑益。又西南行。經南甯。南甯西之三岔關。逾嶺。

江以南榦山也。三岔關南連分秦。北接翠峰。均奧區也。榦山自維西廳入雲南境。東南池於麗江。鶴慶。賓川。雲南。鎮南。楚雄。廣通。元謀。武定。祿勸。富民。安甯。昆陽。晉甯。呈貢。嵩明。尋甸。馬龍。會澤。諸州縣之西之南之東。劍川。

浪穹。鄧川。太和。趙州。蒙化。景東。南安。祿豐。羅次。易門。新興。江川。河陽。宜良。陸涼。南甯。霑益。宣威。諸州縣之東之北之西。又東轉入貴州境。而分秦翠峰。則榦山所度在南甯馬龍閒者。

經馬龍西偏北行。經尋甸東南之古城驛。尋甸南之易龍驛。西南行經嵩明。昆明東北之板橋驛。凡四百三十五里。至昆明。雲貴總督雲南巡撫同駐處也。

以上爲新鄭至昆明之路。

其在涿州所分之南路。自涿州南行。經新城。渡白溝河。經容城東之白溝店。至雄縣。渡白洋淀。至任邱北之趙北口。

地

三

白洋淀在雄縣之南。安州之東。高陽之東北。任邱之北。保定之西。五州縣環之。延亘六七十里。蓋出恆山大行東南麓諸水。如易州之涑水。易水合流爲拒馬河。一名白溝河者。自西北來注。安肅北之雹河。清苑北之徐河。及滿城之雞拒泉。完縣之五雲泉。祁河三水所合之府河。又望都之金縣河等水。會於安州北者。自西來注。出渾源之滹水。出平刑關之沙河。出五臺之滋河。在博野南會爲豬龍河者。自西南來注。故白洋淀最爲浩漫。按石晉以燕雲十六州割歸契丹。宋代守險。遂以三關爲要。而河朔廣野千里。地平夷無險阻。於是濬緣邊塘。灤

聚水以限遼騎。據宋史河渠志所言。準以今地。大約自滄州以東至海。以黑龍港爲險。黑龍港。宋時大河之東流也。滄州以西。則接以塘泊。自滄州西北至青縣。又西北至霸州。又西南至保定。又西北至雄縣。又西南至高陽。又北至安州。又西北至清苑。又西北至安肅之西北。盡於與西山相連之長城口。縣互屈曲九百里。凡竝邊諸河。如恆易滹沱等水。皆匯於塘。其水深不可以舟行。淺不可以徒涉。雖有勁兵。不能渡也。宋氏實倚此爲藩籬。今之白洋淀。爲宋時百水淀。黑羊淀。小蓮花淀。大蓮花淀。洛陽淀。牛橫淀。康池淀。疇淀。白羊淀之故跡。其他

地

西

塘樂多湮塞。此其僅存者。白洋淀又名西淀。蓋自淀東流爲會同河。又東至武清之南爲三角淀。北受永定。南納滹沱。亦大泊也。又名曰東淀。白洋在西。故與對稱。三關爲瓦橋關。在今雄縣南。爲益津關。卽今霸州治。爲草橋關。在今高陽縣西二十里。

又南行經任邱。河閒。渡滹沱河。南行經獻縣。交河。渡老漳河。南行經阜城。景州。凡五百一十里。入山東界。南行三十里。渡運河。至德州。

以上爲涿州至德州之路。

至此又分爲二路。其東南路。自德州東南行。經平原。禹城。

凡二百一十里至齊河。至此又分爲二路。其東路自齊河渡黃河。東南行四十里。至歷城。居泰山北麓。山東巡撫駐處也。

以上爲德州至歷城之路。

西路自齊河渡黃河。南行。經長清東偏南之崗山驛。又東南行。經長清東南之長城驛。至泰安。自渡河以來。傍泰山西麓行。又自泰安東南行。經新泰西北之羊流店。新泰。蒙陰。沂水西南之垛莊司。南行。經蘭山北之徐公店。至蘭山。自泰安以來。傍泰山南麓行。至此始出山。又至蘭山。東南行。渡沂水。經蘭山東南之李家莊。又由沂水之東。泲水之

地

西南行。經郟城。及郟城南之紅花埠驛。凡六百九十二里。入江蘇界。又自紅花埠南行。經宿遷北之峒崕鎮。又南至運河北岸之順河集。

宿遷城在運河南岸。黃河舊槽北岸。與順河集隔一運河。

又傍運河北岸東南行。經桃源西北之仰化集。

在運河北岸。運河南岸。爲黃河舊槽北岸之古城驛。

又東南行。至桃源城北之眾興集。

桃源城在黃河舊槽之南岸。與眾興集隔舊槽及運河。又東行。經漁溝鎮。東南行。至王家營。渡鹽河。至清江浦。卽